

陝西金石志

三 函

陝西金石志卷十九

續修陝西通志稿卷一百五十三

金石十九

唐

長安縣尉楊籌妾王氏墓誌銘

佚通 咸通五年 黃氏古誌石華

原石久佚未詳尺寸正書

或云此石在咸陽賈村程氏今未詳所在

毛氏關中金石文字存逸攷

楚國夫人楊氏墓誌銘

存咸通六年 文備錄

石方二尺八寸共二十六行字數不齊劉允章撰文張宗厚行書撰書刻字八十六行名均正書蓋佚存長安白氏

故楚國夫人贈貴妃楊氏墓誌銘并序

翰林學士朝議郎守尚

書戶部郎中知制誥賜紫金魚袋臣劉允章奉勅撰

翰林待詔

將仕郎守四州司馬臣張宗厚奉勅書

翰林待詔承奉郎守建

州長史臣董咸奉勅篆

維咸通六年歲次乙酉四月辛亥朔十

九日己巳楚國夫人楊氏薨於大內享年三十有二皇帝震悼不
視朝者一日越翌日贈貴妃以其年七月廿三日葬于萬年縣崇
道鄉夏侯村禮也皇帝悼薨華之夙殞嗟掖殿之凝塵顧視神傷
綢繆睿睠將存懿範用飾遺儀遂詔侍從之臣受以彤管之史臣
實當御承命直書貴妃弘農人也受氏有周分茅往漢伯僑蓋得
姓之始赤泉乃啟土之侯派自河汾誕生淑哲以良家子選居禁
掖而待年于公宮天付凝華柔明有素漸清于保姆之訓肄習於
婉孌之儀悅詩禮以自持頰薄怒而莫犯泊乎顯迴天旨恩拜御
中無錮寵妬媚之心有蹈和納順之譽德隆坤則祚集靈祥嘉夢
屢兆於國香甲觀亟延於皇胤金相璿式玉度蘭儀慶治代梁運
遷舟壑降齡甚促真宰何言然而截道驚飆薪火罷續清問不及
於蒙被徵醫無建於秦俞用是纏悲宜乎怛化借使雲陽山下未

央宮中通靈建臺致神設帳烈不誕之方士祖故態於文成徒示
勒求詎瞻髣髴千載兮何有寧一遇之可期所以深軫皇情式備
隆禮刻銘貞石用慰玄扉詞曰 珪月圓明兮中凝瑞光猗蘭擢
穎兮摠翠含芳何陰雲之倏起兮殷維夏之繁霜顧明豔之俄失
兮徒怊悵以仿佯慟皇情兮夙駕去閭闔兮適中野圖甘泉兮何
爲想樂池兮同大夜修容物兮禮有終緘永恨兮意何窮 中書
省刻字官臣強琮刻字

開元寺尊勝陀羅尼經幢

咸佚
通七年書

李君佐建左有光化二年男繼宗題字

咸寧縣志云在開元寺今未詳所在

毛氏關中金石文字存逸

佛頂尊勝陀羅尼石幢

咸存
通八年

石高四尺一寸八面每面廣四寸四行行四十字小註不計正
書存長安任氏

按此幢前二十二行刻陀羅尼呪並註音後刻日光菩薩爲授持大悲心陀羅尼者說大神呪三行又月光菩薩爲授持者說呪三行後署咸通八年歲次丁亥五月己亥朔八日丙午同州長春宮判官將仕郎守監察御史裏行趙龜建立都檢校勾當人陳益刻字魚元誠三行近時出於同州現藏長安任氏

令狐統墓誌銘

佚
咸通八年
文見毛氏關中金石文字存逸考

原石未見不詳尺寸堂姪澄撰文堂姪洵正書并篆額

此誌于同治時出土爲帖賈薛氏所得出售無問津者因磨去文字石作別用可惜也余觀其文體雅潔叙事簡淨因錄之俾傳久遠焉 統爲宰相令狐綯之兄弟行其三代世系詳新唐書宰相世系表中表云統之曾祖崇亮官昌明令祖承簡字居易官太原府功曹參軍皆與誌合而不及贈官又表言統父從

官檢校膳部郎中誌云從官郢州刺史蓋表畧而誌詳也統及其子喬之名表均未載得此可補其闕焉撰文之令狐澄楚之孫綯之子楚綯皆以文名觀澄此撰可謂能嗣家聲矣誌云烈祖贈太師文公即楚也惟傳言贈司空誌作太師爲不同耳書誌之令狐洵表亦未載又誌云丞相夏侯公夏侯孜也今相國徐公徐商也孜于大中十二年四月戊申同平章事商於咸通六年六月同平章事均見新唐書宰相表焦村今屬咸寧金磈龔社在西安府南十五里

毛氏關中金石文字存逸考

按此誌篆蓋而題曰篆額亦爲他誌所無

李君夫人字文氏墓誌銘

咸通八年文見陶齋藏石記

石方一尺四寸四分二十五行行二十七字李柳撰文楚封正書

誌略云夫人姓字文氏初代武川人太和中遷居洛陽遂爲河

南人也高祖遠感皇任梁王掾曾祖成器皇任絳州翼城縣丞
贈禮部員外郎祖遷皇任御史中丞左遷澧州刺史贈太尉父
瓚現任右散騎常侍夫人工五七言詩詞皆雅正常侍公每賢
之咸通甲申歲因丞相今宛陵楊公媒適隴西李郴時郴官京
兆府參軍也明年郴改長安尉其夏轉監察御史裏行充湖南
都團練判官又明年敕拜祕書郎又明年春夫人得疾長安宣
平里九十日啟手足而化是歲丁亥夏四月辛卯享年三十有
壹以其年八月壬申歸葬長安縣承平鄉龍首原南劉村先塋
有子四人女二人長曰召前婺州義烏縣尉次曰吉前宣州溧
水縣尉次曰占授滁州永陽縣主簿以親喪不之任幼曰同前
明經云云 此石今在西安府學碑林字文邈字文瓚均見新
唐書宰相世系表遠感及成器之名未載而遷贈太尉瓚官右

散騎常侍表中失載得此可補其缺丞相宛陵楊公乃楊收也
新唐書宰相表咸通四年五月己巳翰林學士承旨兵部侍郎
楊收守本官同中書門下平章事七年十月壬申收檢校工部
尚書宣歙池觀察使收字藏之新舊唐書皆有傳
毛氏關中金石文字存逸攷
按此石原存碑林光緒二十八年亦爲陶齋攜去

劉仕補墓誌

咸通八年 文見陸氏金石續編

石方一尺九寸二十行行十九字至二十一字不等張彖撰文并書在咸寧縣

誌敘仕補之父曰皇諱英閏特進皇字當是衍文特進乃其官
隋太宗昭陵陪葬諸碑內豆盧寬碑額曰唐故特進芮定公之
碑不叙其由某階特進某階亦此例也又撰書此誌之張元勿
署銜曰登事郎唐制初入仕版者由將仕郎進授登仕郎後劉
遵禮誌所云開成五年授將仕郎會昌元年授登仕郎是也此

云登事郎疑是筆誤誌中宴作宴聯作聯侵作侵公寶歷二年
公紀綱一郡公性親玄奧三公字皆可刪公咸通七年此公字

當作以 黃氏古誌石華

豕古誌石華作元勿二字殊誤又人懷其惠操心政理二句缺
其惠操三字名定著於紫府句缺著字可據此補之 陸增祥志

劉遵禮墓誌銘

咸通九年見王氏金石萃編

石方三尺九寸二分四行十字劉瞻撰文崔筠正書并
篆蓋蓋題唐故彭城劉公墓誌銘九字在西安府

誌近時出土完具無缺劉君諱遵禮字魯卿自筮仕至終沒皆
兼使職撰文者劉瞻新唐書有傳云劉瑑執政薦爲翰林學士
拜中書舍人進承旨出爲河東節度使咸通十一年以中書侍
郎同中書門下平章事今誌瞻題銜翰林學士承旨守尙書戶
部侍郎與世系表合而守尙書戶部侍郎傳未之及得此則詳

略足備也書方勁似柳誠懸

武氏授堂金石跋

洪福寺尊勝陀羅尼經幢

咸存通十年見王石金萃編

幢已斷合之高六尺三寸七分八面每面廣五寸三分至七

八分不等各六行字數六十四分五至七十四分五不等行書兵馬

使王口人建
在西安府

千手千眼大悲心陀羅尼經幢咸存通十年見王氏金石萃編

石橫廣三九寸高一尺六寸共四十二行行約二十十字正書

王元諡建在長安縣臥龍寺

李纓妻楊氏墓誌銘咸通十四年黃氏古誌石華

石佚未詳尺寸李纓撰文正書

誌云窆于京兆府萬年縣小陽村案此石本出咸寧今未詳所

在矣魏王名佾懿宗子見新唐書十一宗諸子傳

毛氏關中逸

考

千手千眼大悲心陀羅尼經幢

咸存通十四年

石高五尺八寸八面每面廣五寸五行七十四字正書

按此幢新出長安城南石尙完好首題佛說千手千眼觀世音菩薩廣大圓滿無礙大悲口口妙章句陀羅尼末書弟子薩壽謹造上件尊勝陀羅尼幢一所願口生功德奉爲先亡父母及亡過七世婆父并法界衆生冥司諸鬼神土地靈口等口願有遠近見聞沐塵霑影者皆悉離解脫生居佛國見佛聞法當來世中同爲法會菩提眷屬維咸通拾肆年歲次癸巳八月口辛酉廿六日戊午建立渤海吳淑刻字

魏公先廟碑

咸通 文見王氏金石萃編

碑上行下殘缺現存者高五寸五分廣四尺三寸六分三寸
六行字無致崔與纂文柳公權正書并篆額在西安府布政

署使

右碑石裂爲五其四石可次序末十行文不接續故附于後

濤王

按此碑殘缺標題但存判戶部事上柱國賜紫金魚袋魏公先
廟碑考其文則鄭國公魏徵之廟而判戶部事不知何人唐書
宰相世系表徵之子孫中未有判戶部事者兩唐書徵之後惟
五世孫謩相宣宗傳甚詳而其子亦不言判戶部事然魏公先
廟始建爲祀鄭公而重修則爲祀謩碑云鄭國文貞公魏氏在
貞觀立家廟於長安昌樂里檢長安志昌樂坊在京城朱雀街
東第二街有太子太師鄭國魏徵家廟大中中來孫謩爲相再
新舊廟以元成爲封祖元成者鄭公之字也則似廟爲謩所重
修謩之新廟在大中中則碑亦當立於大中中然以碑文證之
文云貞觀立家廟後二百卅五年又云顯考相國位猶滯于三
品室未備數顯考相國即謂謩也謩官平章事在大中十年其

卒在十二年廟之始建不知在貞觀何年據鄭公卒于貞觀十六年即以是年為始至二百卅五年為僖宗乾符三年則長安志以為大中中新廟者未覈也碑文撰者崔璵結銜存博陵縣開國子璵傳載封博陵子在大中七年碑書鄭公為祖考其下云皇考妣王考妣玩其文稱祖考妣者始封之祖也皇考妣者曾祖考妣也王考妣者祖考妣也其後所叙世次頗詳而文多缺泐不得見其全矣碑不能確定其歲月姑附咸通之末

王氏金石萃編

強瓊妻瑯琊王氏墓銘經幢

存乾符三年見王氏金石萃編

幢高三尺二寸三分八厘至二十寸二分不等正書在西安府金聖

寺

右瑯琊王夫人墓銘在西安府崇仁寺題云墓銘實與尊勝陀羅尼同刻一幢非埋於窆中者瑯琊字古書多作琅邪此用唐

人俗體夫人爲玉冊官內供奉強瓊之妻強氏見於史者唯宋
強至及其子淵明瓊任玉冊官殆以鑄字供奉者歟文云忽染
膏荒之疾借荒爲盲也

錢氏潛研堂金石文跋尾

楊萬歲尊勝陀羅尼經幢

存 乾符三年 文見王氏金石萃編

幢高六尺三寸八分每面廣五寸六分各六行行七十一至七十
六字不等行書在洪福寺

趙虔章墓誌銘

佚 乾符三年 文見陸氏金石續編

石方一尺二寸二十三行行二十字孫溶撰文姚紉正書在咸
寧縣

按趙虔章墓誌銘題云唐故前河南府錄事天水趙公宰相世
系表天水趙氏代王嘉子趙王公輔之後世居隴西天水後徙
京兆表不載虔章無由悉其先代百官志西都東都北都皆有
牧府尹少尹其屬有司錄參軍事錄事錄事四人從九品上掌
正違失莅符印誌稱寵授糾曹之貴卽指河南府錄事故云譽

滿東畿其職掌正違失故云紕曹紕即糾也萬年縣寧安鄉三趙村卽今咸寧縣南十五里三兆社趙兆音近而訛社有鳳栖原顏魯公撰顏勤禮碑寧安鄉鳳棲原亦其地也此石道光中

出土及門顧小雲鶴宰米脂時拓寄

陸氏金編石

錢氏女墓誌

存符五年錄後

石方一尺二寸十七行十八字叔瑒述蓋題唐故吳興錢氏女墓誌均正書存長安白氏

唐故吳興錢氏女墓誌 叔鄉貢進士瑒述 乾符五年歲次戊

戌十一月壬辰朔廿九日庚申錢氏女烏娘終于長安昭國里祖廟之東偏我烈考故太子賓客贈工部尙書府君諱方義仲兄故戶部巡官試祕書省校書郎府君諱瑒烏娘卽校書府君之長女生三歲其母葛氏卒後十五歲丁校書府君憂服除三歲遭疾終生世二十二年中所賦也如此痛哉而生植慧性夙成淑姿執先

君之喪盡其哀事吾嫂劉夫人之心本乎孝愛異母之屬極其仁
奉長幼之序均其分有自然之深識得自守之常規故其終也雖
家人無不悲以出涕者嗚呼婦容已成天命則天骨肉之痛其可
勝耶即以其年十二月壬戌朔十一日壬申權窆於京兆府萬年
縣甯安鄉三趙村歸祔先封期於吉歲載刻幽石痛不忍銘

楊公女子書墓誌

存符五年見陶齋藏石記

石方一尺二寸十九行行十九字兄檢撰文并正書

誌畧云口口諱芸字子書隨越國公素之裔顯考公常侍府君
諱發第七女曾祖公諱藏器邠州三水口口顯祖公諱遺直贈
右僕射子書於乾符五歲六月七日終于延福里第春秋卅十
月廿八日葬於長安縣南原姜允村 此石今藏渭南趙氏楊
發字至之爲楊收之兄附見收傳新唐書宰相世系表亦載藏

陝西金石志卷十九
器等名表云藏器爲三水縣丞則誌中三水二字下缺者當係縣丞二字矣又表云遺直爲濠州錄事參軍其贈右僕射表中未載發之官爵表中亦未書發之子有名櫟字文逸者而未載楊檢之名得此均可補其缺焉

毛氏關中金石文字存逸者

按此石三水下本缺一字當係丞字其一乃顯祖抬頭空格毛氏謂闕二字未詳此石光緒二十八年歸於陶齋

武安君白起廟記

佚文見王氏金石萃編
乾符五年

照襲本錄文不詳尺寸

廟在今咸陽東古杜郵起慘刻獨有將略耳亦祀至今何也壁間記唐乾符五年重修事正書遒勁亦有歐法知唐世官牒無不作佳書也記中所列添置物色有眇子舍十一間沙子三間

華一顏石押衙影等皆不可曉

趙氏石墨鐫華